



Sámi allaskuvla

Sámi University of Applied Sciences

OAHPPOPLÁNA

DUODJI JA OVDÁNAHTTIN

30 oahppočuoggá

Duodje- ja hábmenbachelora čiekŋudanfágaBođufága

Dohkkehuvvon Sámi oahppoinstituhtta stivrras áššis OS 40/08 25.6.2008 Prorektor lea dohkkehan loahpalaččat. Duodje- ealáhus- ja luonddudiedagoađi jodiheaddji dohkkehan 23.08.12. Rievdadusat dohkkehuvvon mearrádusnotáhta bokte 23.05.18, Public áššenr. 18/00167.

1. OAHPPOOVTTADAGA NAMMA

Sámegillii: Duodji ja ovdánahttin

Dárogillii: Duodji og utvikling

Eaŋgalasgillii: Sami Traditional and Applied Arts and Innovation

2. OPPALAŠ DIEDUT OAHPU BIRRA

- OAHPPOVTTADAGA KODA DUO 244
- VIIDODAT 30 oahppočuoggá
- OAHPU LÁGIDEAPMI Oahppu lágiduvvo čoagganemiin ja neahta badjel.

3. OAHPPOPROGRÁMMA GULLEVAŠVUOHTA

Duodji ja ovdánahttin lea geatnegahtton duodjefágalašchieknudanfága Duodje- ja hábmenbacheloras. Dat sáhtá leat maiddá i doarjjafágan dahje válljenfágan eará bachelorprográmmain dahje eará oahpuin.

4. SISABEASSANGÁIBÁDUSAT

Studeantat galget leat čadahan čuovvovaš oahpuid ovdal besset álgit Duodji ja ovdánahttin ohppui: DUO 101 Duddjoma ja hábmem bargovuogit (10 oč), DUO 102 Bistevaš design (15 oč) ja DUO 120 Eamiálmot duodje- ja dáiddadiehtu (15oč).

Dábálaš sisabeassangáibádusat alitoahpahussii. Sisabeassanvuoddu sáhtá leat juogo oppalaš lohkan gelbbolašvuota (čadahan joatkkaskuvlla/logahaga/gymnása) dahje réalagelbbolašvuota. Dasa lassin gáibiduvvo sámegiellamáhttu.

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđaaigásaš giellan (moderna språk 200-300 čuoggá) dahje vástideaddji sámegieloahppu doaimbi njuolggadusaid mielde. Sámegiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuota man dási gelbbolašvuota ohccis lea, de ášši ovddiduvvo fágalaš árvvoštallamii ja meannuduvvo dán vuodul.

5. OAHPAHUSGIELLA

Oahpahusgiellan lea dábálaččat davvisámegiella. Oahpahus sáhtá leat maiddá eará sámegielaide, skandinávlaš dahje eaŋgalsgillii. Eará gielaide oahpahus sáhtá dulkojuvvo dárbbu mielde. Eará sámegielat studeanttaide láchčo dilli nu ahte sii sáhttet čállit barggaid iežasat sámegillii.

6. SISDOALLU

Duodji ja ovdánahttin -oahppu fállá praktihkalaš ja teorehtalaš dieđuid, maiguin viiddidit ja ovdánahttit studeantta duodje- ja dáiddalaš čehppodaga. Oahpahasas suokkardit duoji etihkalaš gažaldagaid, dego suvdilisvuodá ja immateriálalaš vuoigatvuodagažaldagaid. Oahpahasas deattuhuvvojit sámiid ja eará ártkalaš guovllu eamiálbmogiid duodjeárbevieruid, mat leat vuodđun innovatiivvalaš čovdosiidda.

7. OAHPPANJOKSOSAT

Máhttu ja diehtu:

Oahppu maŋŋá studeanta máhtta

- geavahit áigevuodilis bargovugiid ávnnasteamis, hábmemis ja duddjomis
- čilget sámi duoji vuoigatvuodaid
- čilget sámi duoji vuoigatvuodaid
- meroštallat ja árvvoštallat suvdilisvuodaduoji ektui
- atnit IKT-programmaid duddjomis ja estehtalaš ovdanbuktimis
- buohtastahttit man nu eará eamiálbmoga duodjeárbevieru sámi duodjeárbevrrui
- árvvoštallat iežas duddjoma ovdánahttima

Gálggat:

Oahppu maŋŋá studeanta máhtta

- gulahallat fágatearpmaiguin
- bargat ovtta earáiguin
- buktit ovdan iežas barggaid seminárain
- geavahit iešguđet dieđuid ja gálduid duodjefágalaš čuolmmaid čoavddedettiin
- doaibmat suvdilot

8. OAHPAHAN- JA OAHPPANVUOGIT

Logaldallamat, bargobájit, lohkanrieggát, hárjehusat, oahppanportfolio, bagadallamat ja seminárat.

9. GÁIBÁDUSAT BEASSAT EKSÁMENII

Oahpus lea bealli lágiduvvon oassi (duddjon, logaldallamat, bagadallamat, bargobájit, seminárat, lohkanrieggát jna.) ja nubbi bealli studeantta iešheanálaš bargan (duddjon, lohkan, bargobihtáid čoavdin, reflekterema čállin jna.).

Studeanta galgá leat oassálastán unnimustá 75 % lágiduvvon oahpus, geatnegahtton barggut galget leat árvvoštallojuvvon ja studeanta galgá leat searvan čájáhussii ovdalgo beassá eksámenii. Oahpokoordinahtor mearrida beassá go studeanta eksámenii.

10. EKSÁMEN

Loahpalaš árvvoštallan ja eksámen leat guovtti oasis. Guktuid osiid galgá ceavzit, ovdal go studeanta oažžu loahppárvosáni.

- 1) Portfolio ja barggut. Deaddu 80 % loahpalaš árvosánis.
- 2) Njálmmálaš eksámen. Deaddu 20 % loahpalaš árvosánis.

Árvosánit addojit ECTS vuogádaga mielde, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán. Muđui čujuhuvvo Sámi allaskuvlla loahpalaš árvvoštallan- ja eksámennjuolggadusaide.

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

Ii leat.

12. KVALITEHTASIHKKARASTIN

Čujuhuvvo Sámi allaskuvlla kvalitehtasihkkarastinvuogádahkii, ja makkár vejolašvuodát/geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.

13. LOHKANMEARRI

Lohkanmeari sullii 300 siiddu. Lohkanmearis sullii 100 siiddu mearriduvvo sierra.

Thorpe, Ann (2008). Design för hållbar utveckling: ekologi, ekonomi, kultur. Stockholm: Raster. (S 200 s.)